

*Nova Zembla.*

dum scribit dictus Zieglerus. Idem Mare Insulæ ab Occidente proximum, brevius & scopulis plenum, *Icarium* : & Insulam in eo *Icariam*, ab Incolis nominari scribit. Insula hæc hoc nostro tempore denuò innouescere incipit, idq; Anglorum auspiciis. *Nova Zembla* insula est sita sub gradu 76. Summa hîc inclementia aëris atq; intolerabile & intensissimum frigus. Regio deserta, sylvestris, rigida, molesta. In hac nec frondes nec gramen crescit; in hac etiam nulla Animalia præter carnivora reperiuntur, qualia Vulpes & Vrsi, quorum non tantum in hac Insula, sed in plerisq; regionibus Septentrionalibus magna copia est. Sunt & Belluæ marinæ: quæ vasto corpore Bovisq; magnitudinem excedentes, *Walrusschen* vulgò dicuntur: os habent leoninâ specie, pellem villosiorem, quatuor pedes, duos dentes ex parte oris superna prominentes, planos, duos, candentes, ut Elephantinis precio non cedant. Freta hîc, *Fretum Weygats*, *Forbisseri* & *Davis*. *Fretum Weygats* protenditur ad Ortum usq; ad Crucis dictum angulum, deinde ad Arctapeliotem usque ad Dissidii angulum, paulò ad Orientem vergentem. In Australis lateris *Weygats* continente Gulielmus Barendsonius aliquos agrestiores homines reperit Samiutas appellatos. Vestitum horum quibus utuntur forma, similis est illi quam nostri pictores silvestribus Hominibus tribuunt, minimè tamè silvestres sunt, sed bono intellectu præditi. Amiciuntur pellibus Rangiferorum à capite usq; ad pedes. Ut plurimum brevi sunt corpore, latâ planâque facie, parvis oculis, brevibus cruribus & divaricatis, agilesque sunt in cursu & saltu. Rhedas habent in quibus unum aut duos Rangiferos jungunt, qui unum aut alterum hominem infidentem tam celeri cursu trahunt, ut nullus nostrorum equorum equari illis possit. *Fretum Forbisseri* à Martino Forbissero Anglo nomen accepit, qui anno MDLXXVII, transitum ad Cathaiam per Septentrionem querens, pervenit ad Fretum quoddam, in quo reperit & Insulas & Homines plurimos, de quibus pauca subiiciemus. Homines ejus loci ab omni cultu alieni, crudis ferarum ac piscium carnibus vescuntur. Vestiantur pellibus ferarum venatione captarum, herbas etiam crudas bestiarum, in morem devorant. Tentoria eorum pellibus Balænarum teguntur, perpetuæ ibi nubes & frigus asperissimum. Canibus qui Lupos nostros specie referunt, sub jugum missis, utuntur ad res necessarias super glaciem advehendas. Arma illis sunt arcus, sagittæ & funda. Nulla ibi ligna, Cervi multi: homines terram non colunt, contenti rebus quas sponte producit: venatione vivunt: potus illis sanguis ferarum est calidus, aut aqua glaciei: nulli istic fluvii, nullæ scaturigines, quòd violentia frigoris terram ita concludat, ut aquarum scaturigo erumpere nequeat. Homines sunt magni laboris, venatores strenui & præsertim in aucupiiis astutissimi: utuntur certo navigii genere ex coriis confecto in quo solummodò homini locus: cui unico tantum remo opus est. Dextrâ Instrumentum tenet quo aves telo jaculatur. Hujus exemplum in Angliâ visum. *Fretum Davis* itidem à Iohanne Davis Anglo appellationem accepit, qui anno 1585 & duobus proximis littora Americæ, vel potius Groenlandiæ Circum spectantia à 53 gradu ad 75 transitum illac in Chinam scrutando perlegit. Quæ de Euripis illis quatuor in Tabulâ vides, descripta sunt ex Itinerario Iacobi Cnoxen Buscoducensis, qui refert Minoritam quendam Anglum Oxoniensem Mathematicum terras Polo circum vicinas descripsisse & astrolabio dimensum esse in hanc sequentem formam ferè, uti ex Iacobo collegit Mercator. Euripos illos quatuor dicit tanto impetu ad interiorem voraginem rapi, ut

Naves